

* 1. *Joann.* 17. * Hæc mando vobis, ut diligatis invicem.
3. 11. &
4. 7.
* APOST. 18. Si mundus vos odit: scitote quia me priorem vobis odio habuit.
SIMON.
ET IUD. 19. Si de mundo fuissetis: mundus quod suum erat diligeret: quia verò de mundo non estis, sed ego elegi vos de mundo, propterea odit vos mundus.
20. Mementote sermonis mei, quem ego dixi vobis: * Non est servus maior domino suo. Si me persecuti sunt, & vos persequentur: si sermonem meum servaverunt, & vestrum servabunt.
* *Matth.* 21. Sed hæc omnia facient vobis propter nomen meum: quia nesciunt eum, qui misit me.
10. 24.
* *Supr.* 13. 16.
* *Matth.* 22. Si non venissem, & locutus fuissetem eis, peccatum non haberent: nunc autem excusationem non habent de peccato suo.
23. Qui me odit: & Patrem meum odit.
24. Si opera non fecissem in eis, quæ nemo alius fecit, peccatum non haberent: nunc autem & viderunt, & oderunt & me, & Patrem meum.
25. Sed ut adimpleatur sermo, qui in lege eorum scriptus est: * Quia odio habuerunt me gratis. ^A
* *Psal.* 24. 19. 34. 19.
* 68. 5.
* *Luc.* 24. 49.
* DOM. INF. OCT. ASCENS.

CAPUT XVI.

Futuras prædicat persecutiones, & adventum Spiritus sancti, qui mundum arguat, eos doceat, & Christum clarificet.

1. **H**ÆC locutus sum vobis, ut non scandalizemini.
2. Absque synagogis facient vos: sed venit hora, ut omnis, qui interficit vos, arbitretur obsequium se præstare Deo.
3. & hæc facient vobis, quia non noverunt Patrem, neque me.
4. Sed hæc locutus sum vobis: ut cum venerit hora eorum reminiscamini, quia ego dixi vobis. ^A
5. Hæc autem vobis ab initio non dixi, quia vobiscum eram: Et nunc ꝑ vado ad eum, qui misit me; & nemo ex vobis interrogat me, Quod vadis?
6. Sed quia hæc locutus sum vobis, tristitia implevit cor vestrum.
7. Sed ego veritatem dico vobis: ex-

* DOM. 4. POST PASCH.

pedit vobis ut ego vadam: si enim non abiero, Paráclitus non veniet ad vos: si autem abiero, mittam eum ad vos.

8. Et cum venerit ille, arguet mundum de peccato, & de iustitia, & de iudicio.

9. de peccato quidem: quia non crediderunt in me:

10. de iustitia verò: quia ad Patrem vado: & iam non videbitis me:

11. de iudicio autem: quia princeps huius mundi iam iudicatus est.

12. Adhuc multa habeo vobis dicere: sed non potestis portare modò.

13. Cum autem venerit ille Spiritus veritatis, docébit vos omnem veritatem. non enim loquétur à semetipso: sed quæcúmque audiet loquétur, & quæ ventura sunt annuntiabit vobis.

14. Ille me clarificabit: quia de meo accipiet, & annuntiabit vobis. ^A

15. Omnia quæcúmque habet Pater, mea sunt. Propterea dixi: quia de meo accipiet, & annuntiabit vobis.

16. ꝑ Mòdicum, & iam non videbitis me: & iterum mòdicum, & videbitis me: quia vado ad Patrem. ^{DOM. 3. POST PASCH.}

17. Dixérunt ergo ex discipulis eius ad invicem: Quid est hoc, quod dicit nobis: Mòdicum, & non videbitis me: & iterum mòdicum, & videbitis me, & quia vado ad Patrem?

18. Dicébant ergo: Quid est hoc, quod dicit, Mòdicum? nescimus quid loquitur.

19. Cognovit autem Iesus, quia volébant eum interrogare, & dixit eis: De hoc quæritis inter vos quia dixi, Mòdicum, & non videbitis me: & iterum mòdicum, & videbitis me.

20. ꝑ Amen, amen dico vobis: quia plorabitis, & flebitis vos, mundus autem gaudébit: vos autem contristabimini, sed tristitia vestra vertetur in gaudium. ^{PLUR. MART. TEM P. PASCH.}

21. Múlier cum parit, tristitiam habet, quia venit hora eius: cum autem pepererit puerum, iam non meminit pressuræ propter gaudium: quia natus est homo in mundum.

22. Et vos igitur nunc quidem tristitiam habetis, iterum autem videbo vos, & gaudébit cor vestrum: & gaudium vestrum nemo tollet à vobis. ^{Matth. 7. 7. & 21. 22. Marc. 11. 24. Luc. 11. 9. Supr. 14. 13. Jac. 1. 5. DOM. 5. POST PASCH.}

23. Et in illo die me non rogabitis quidquam. * ꝑ Amen, amen dico vobis: si quid petieritis Patrem in nómine meo, dabit vobis.

24. Usque modò non petistis quidquam in

in nómine meo: Pétite, & accipietis, ut gaudium vestrum sit plenum.

25. Hæc in provérbis locutus sum vobis. Venit hora cum iam non in provérbis loquar vobis, sed palàm de Patre annuntiabo vobis.

26. in illo die in nómine meo petétis: & non dico vobis quia ego rogabo Patrem de vobis:

27. Ipse enim Pater amat vos, quia vos me amastis, & credidistis, quia ego à Deo exivi.

28. Exivi à Patre, & veni in mundum: iterum relinquo mundum, & vado ad Patrem.

29. Dicunt ei discipuli eius: Ecce nunc palàm loqueris, & provérbium nullum dicis.

30. nunc scimus quia scis omnia, & non opus est tibi ut quis te interroget: in hoc credimus quia à Deo existi. ^A

31. Rspòndit eis Iesus: Modò creditis? ^{Matth. 26. 31. Marc. 14. 27.}

32. * Ecce venit hora, & iam venit, ut dispergamini unusquisque in propria, & me solum relinquatis: & non sum solus, quia Pater mecum est.

33. Hæc locutus sum vobis, ut in me pacem habeatis. In mundo pressuram habébitis: sed confidite, ego vici mundum.

CAPUT XVII.

Christi ad Patrem oratio, ut Pater Filium, & vicissim Filium Patrem clarificet; item pro discipulis, & iis qui per discipulos in eum erant credituri &c.

1. **H**ÆC locutus est Iesus: & sublevatis oculis in cælum, dixit: ꝑ Pater venit hora, clarifica filium tuum, ut filius tuus clarificet te: ^{IN VIG. ASCENS.}

2. * Sicut dedisti ei potestatem omnis carnis, ut omne, quod dedisti ei, det eis vitam æternam. ^{Matth. 28. 18.}

3. Hæc est autem vita æterna: Ut cognoscant te, solum Deum verum, & quem misisti Iesum Christum.

4. Ego te clarificavi super terram: opus consummavi, quod dedisti mihi ut faciam: & nunc clarifica me tu Pater apud te metipsum, claritate, quam habui prius, quam mundus esset, apud te.

5. Manifestavi nomen tuum hominibus, quos dedisti mihi de mundo: Tui erant, & mihi eos dedisti: & sermonem tuum servaverunt.

6. Manifestavi nomen tuum hominibus, quos dedisti mihi de mundo: Tui erant, & mihi eos dedisti: & sermonem tuum servaverunt.

7. Nunc cognoverunt quia omnia, quæ dedisti mihi, abs te sunt:

8. quia verba, quæ dedisti mihi, dedi eis: & ipsi acceperunt, & cognoverunt verè quia à te exivi, & crediderunt quia tu me misisti.

9. Ego pro eis rogo: Non pro mundo rogo, sed pro his, quos dedisti mihi: quia tui sunt:

10. & mea omnia tua sunt, & tua mea sunt: & clarificatus sum in eis.

11. Et iam non sum in mundo, & hi in mundo sunt, & ego ad te venio. ^A Pater sancte, serva eos in nómine tuo, quos dedisti mihi: ut sint unum, sicut & nos. ^{Infr. 18. 9. Psal. 108. 8.}

12. Cum essem cum eis, ego servabam eos in nómine tuo. * Quos dedisti mihi, custodivi: & nemo ex eis perit, nisi filius perditionis, * ut Scriptura impleatur. ^{Infr. 18. 9. Psal. 108. 8.}

13. Nunc autem ad te venio: & hæc loquor in mundo, ut habeant gaudium meum implètum in semetipsis.

14. Ego dedi eis sermonem tuum, & mundus eos odio habuit, quia non sunt de mundo, sicut & ego non sum de mundo.

15. Non rogo ut tollas eos de mundo, sed ut serves eos à malo.

16. De mundo non sunt, sicut & ego non sum de mundo.

17. Sanctifica eos in veritate. Sermo tuus veritas est.

18. Sicut tu me misisti in mundum, & ego misi eos in mundum.

19. Et pro eis ego sanctifico meipsum: ut sint & ipsi sanctificati in veritate.

20. Non pro eis autem rogo tantum, sed & pro eis, qui credituri sunt per verbum eorum in me:

21. ut omnes unum sint, sicut tu Pater in me, & ego in te, ut & ipsi in nobis unum sint: ut credat mundus, quia tu me misisti.

22. Et ego claritatem, quam dedisti mihi, dedi eis: ut sint unum, sicut & nos unum sumus.

23. Ego in eis, & tu in me: ut sint consummati in unum: & cognoscat mundus quia tu me misisti, & dilexisti eos, sicut & me dilexisti.

24. Pater, quos dedisti mihi, volo ut ubi sum ego, & illi sint mecum: ut videant claritatem meam, quam dedisti mihi: quia dilexisti me ante constitutionem mundi.

25. Pater iuste, mundus te non cognovit. ego autem te cognovi: & hi cognoverunt, quia tu me misisti.

26. Et notum feci eis nomen tuum, & notum faciam: ut dilectio, quæ dilexisti me, in ipsis sit, & ego in ipsis.

CA-

CAPUT XVIII.

Passionis Christi in horto, & progressus; captus à Iudeis, ad Annam & Caipham ductus; Interrogatus à Pontifice, respondet, & à servo Pontificis caditur. A Petro negatur. Ducitur in prætorium. Necem eius Iudæi postulant à Pilato.

1. **H**ÆC cum dixisset Iesus, & egressus est cum discipulis suis trans torrentem Cedron, ubi erat hortus, in quem introiit ipse, & discipuli eius.
2. Sciebat autem & Iudas, qui tradebat eum, locum: quia frequenter Iesus convenerat illuc cum discipulis suis.
3. * Iudas ergo cum accepisset cohortem, & à Pontificibus, & Phariseis ministros, venit illuc cum laternis, & facibus, & armis.
4. Iesus itaque sciens omnia, quæ ventura erant super eum, processit, & dixit eis: Quem queritis?
5. Respondérunt ei: Iesum Nazarenum. Dicit eis Iesus: Ego sum. Stabat autem & Iudas, qui tradebat eum, cum ipsis.
6. Ut ergo dixit eis: Ego sum: abiérunt retrorsum, & ceciderunt in terram.
7. Iterum ergo interrogávit eos: Quem queritis? Illi autem dixerunt: Iesum Nazarenum.
8. Respondit Iesus: Dixi vobis, quia ego sum: si ergo me queritis, sinite hos abire.
9. Ut impleretur sermo, quem dixit: * Quia quos dedisti mihi, non perdidisti ex eis quemquam.
10. Simon ergo Petrus habens gladium eduxit eum: & percussit pontificis servum: & abscidit auriculam eius dexteram. Erat autem nomen servo Malchus.
11. Dixit ergo Iesus Petro: Mitte gladium tuum in vaginam. Cálicem, quem dedit mihi Pater, non bibam illum?
12. Cohors ergo, & tribunus, & ministri Iudæorum comprehendérunt Iesum, & ligaverunt eum:
13. & adduxerunt eum ad Annam primum, erat enim socer Caiphæ, qui erat pontifex anni illius.
14. Erat autem Caiphæ, * qui consilium dederat Iudæis: Quia expedit, unum hominem mori pro populo.
15. Sequebatur autem Iesum Simon Petrus, & alius discipulus. Discipulus autem ille erat notus pontifici, & introiit cum Iesu in atrium pontificis.
16. Petrus autem stabat ad ostium foris.

* Reg. 15.
23.
Matth. 26.
36.
Marc. 14.
32.
Luc. 22.
39.
* PASSIO
FER. 6. IN
PARASC.
* Matth.
26. 47.
Marc. 14.
43.
Luc. 22.
47.

* Supr. 17.
12.

* Luc. 3. 2.

* Supr. 11.
49.

* Exiit ergo discipulus alius, qui erat notus pontifici, & dixit ostiariæ: & introiit Petrus.

17. Dicit ergo Petro ancilla ostiaria: Numquid & tu ex discipulis es hominis istius? Dicit ille: Non sum.

18. Stabant autem servi, & ministri ad prunas: quia frigus erat, & calefaciebant se: erat autem cum eis & Petrus stans, & calefaciens se.

19. Pontifex ergo interrogávit Iesum de discipulis suis, & de doctrina eius.

20. Respondit ei Iesus: Ego palam locutus sum mundo: ego semper dócui in synagoga, & in templo, quod omnes Iudæi conveniunt: & in occulto locutus sum nihil.

21. Quid me interrogas? interroga eos, qui audierunt quid locutus sim ipsis: ecce hi sciunt quæ dixerim ego.

22. Hæc autem cum dixisset, unus assistens ministrorum dedit alapam Iesu, dicens: Sic respondes pontifici?

23. Respondit ei Iesus: Si malè locutus sum, testimonium perhibe de malo: si autem benè, quid me cædis?

24. * Et misit eum Annas ligatum ad Caipham pontificem.

25. Erat autem Simon Petrus stans, & calefaciens se. * Dixerunt ergo ei: Numquid & tu ex discipulis eius es? Negavit ille, & dixit: Non sum.

26. Dicit ei unus ex servis pontificis, cognatus eius, cuius abscidit Petrus auriculam: Nonne ego te vidi in horto cum illo?

27. Iterum ergo negavit Petrus: & statim gallus cantavit.

28. * Adducunt ergo Iesum à Caiphæ in prætorium. Erat autem mane: & ipsi non introierunt in prætorium, * ut non contaminarentur, sed ut manducarent Pascha.

29. Exiit ergo Pilatus ad eos foras, & dixit: Quam accusationem affertis adversus hominem hunc?

30. Respondérunt, & dixerunt ei: Si non esset hic malefactor, non tibi tradissemus eum.

31. Dixit ergo eis Pilatus: Accipite eum vos, & secundum legem vestram iudicate eum. Dixerunt ergo ei Iudæi: Nobis non licet interficere quemquam.

32. * Ut sermo Iesu impleretur, quem dixit, significans quæ morte esset mortuus.

33. * Introiit ergo iterum in prætorium Pilatus: & vocavit Iesum, & dixit ei: Tu es rex Iudæorum?

34. Ref-

* Matth.
26. 58.
Marc. 14.
54.
Luc. 22.
55.

* Matth.
26. 57.
Marc. 14.
53.
Luc. 22.
54.
* Matth.
26. 69.
Marc. 14.
67.
Luc. 22.
56.

* Matth.
27. 2.
Marc. 15.
1.
Luc. 23. 1.
* Act. 10.
28. & 11.
3.

* Matth.
20. 19.
* Matth.
27. 11.
Marc. 15.
2.
Luc. 23. 3.

34. Respondit Iesus: A temetipso hoc dicis, an alii dixerunt tibi de me?

35. Respondit Pilatus: Numquid ego Iudæus sum? Gens tua, & pontifices tradiderunt te mihi: quid fecisti?

36. Respondit Iesus: Regnum meum non est de hoc mundo. si ex hoc mundo esset regnum meum, ministri mei utique decertarent ut non traderer Iudæis: nunc autem regnum meum non est hinc.

37. Dixit itaque ei Pilatus: Ergo rex es tu? Respondit Iesus: Tu dicis quia rex sum ego. Ego in hoc natus sum, & ad hoc veni in mundum, ut testimonium perhibeam veritati: omnis, qui est ex veritate, audit vocem meam.

38. Dicit ei Pilatus: Quid est veritas? Et cum hoc dixisset, iterum exiit ad Iudæos, & dicit eis: Ego nullam invenio in eo causam.

39. * Est autem consuetudo vobis ut unum dimittam vobis in Pascha: vultis ergo dimittam vobis regem Iudæorum?

40. Clamaverunt ergo rursus omnes, dicentes: Non hunc, sed Barabbam. Erat autem Barabbas latro.

* Matth.
27. 15.
Marc. 15.
6.
Luc. 23.
17.

CAPUT XIX.

Pilati iussu Iesus est flagellatus; tum à militibus variis afflictus contumeliis; spinis coronatus: iterum à Pilato interrogatus; tandem morti damnatus, inter duos latrones crucifigitur. Titulum scripti Pilatus. Vestimenta eius à militibus divisa; fors de túnica missa. Iesus in cruce Matrem Ioanni, & Ioannem Marii commendat. Aceto potatus, consummatis omnibus emittit spiritum. Ex aperto eius latere sanguis & aqua profluunt. Corpus myrrha & aloë conditum, sepelitur.

Matth. 27.
27.
Marc. 15.
16.

1. **T**unc ergo apprehendit Pilatus Iesum, & flagellavit.

2. Et milites plectentes coronam de spinis, imposuerunt capiti eius: & veste purpurea circumdederunt eum.

3. Et veniebant ad eum, & dicebant: Ave rex Iudæorum: & dabant ei alapas.

4. Exiit ergo iterum Pilatus foras, & dicit eis: Ecce adduco vobis eum foras, ut cognoscatis quia nullam invenio in eo causam.

5. (Exiit ergo Iesus portans coronam spineam, & purpureum vestimentum:) Et dicit eis: Ecce homo.

6. Cum ergo vidissent eum Pontifices,

& ministri, clamabant, dicentes: Crucifige, crucifige eum. Dicit eis Pilatus: Accipite eum vos, & crucifigite: ego enim non invenio in eo causam.

7. Respondérunt ei Iudæi: Nos legem habemus, & secundum legem debet mori, quia filium Dei se fecit.

8. Cum ergo audisset Pilatus hunc sermonem, magis timuit.

9. Et ingressus est prætorium iterum: & dixit ad Iesum: Unde es tu? Iesus autem responsum non dedit ei.

10. Dicit ergo ei Pilatus: Mihi non loqueris? nescis quia potestatem habeo crucifigere te, & potestatem habeo dimittere te?

11. Respondit Iesus: Non haberes potestatem adversum me ullam, nisi tibi datum esset desuper. Propterea qui me tradidit tibi, maius peccatum habet.

12. Et exinde quærebat Pilatus dimittere eum. Iudæi autem clamabant dicentes: Si hunc dimittis, non es amicus Cæsaris. omnis enim, qui se regem facit, contradicit Cæsari.

13. Pilatus autem cum audisset hos sermones, adduxit foras Iesum: & sedit pro tribunali, in loco, qui dicitur Lithóstratos, Hebræicè autem Gábbatha.

14. Erat autem parasceve Paschæ, hora quasi sexta, & dicit Iudæis: Ecce rex vester.

15. Illi autem clamabant: Tolle, tolle, crucifige eum. Dicit eis Pilatus: Regem vestrum crucifigam? Respondérunt Pontifices: Non habemus Regem, nisi Cæsarem.

16. Tunc ergo tradidit eis illum ut crucifigeretur. Susceperunt autem Iesum, & eduxerunt.

17. * Et báulans sibi crucem exiit in eum, qui dicitur Calváriæ, locum, Hebræicè autem Gólgotha:

18. ubi crucifixerunt eum, & cum eo alios duos hinc, & hinc, médium autem Iesum.

19. Scripsit autem & titulum Pilatus: & posuit super crucem. Erat autem scriptum: Iesus Nazarenus, Rex Iudæorum.

20. Hunc ergo titulum multi Iudæorum legérunt: quia propè civitatem erat locus, ubi crucifixus est Iesus: & erat scriptum Hebræicè, Græcè, & Latine.

21. Dicebant ergo Pilato Pontifices Iudæorum: Noli scribere, Rex Iudæorum: sed quia ipse dixit: Rex sum Iudæorum.

22. Respondit Pilatus: Quod scripsi, scripsi.

23. Milites ergo cum crucifixissent eum,

* Matth.
27. 33.
Marc. 15.
22.
Luc. 23.
33.